

Mairg iarras iomlaoid chánté

[McKenna, L.: *Aithdiogluim Dána* (Irish Texts Society, vols 37, 40, 1939/40), poem 74]

Eochaíd Ó hEoghusa cct.

1 Mairg iarras iomlaoid chánté;
connradh as cúis mhíofhálte
dá gcáinear an té rem thaoibh
's mé do cháineadh 'n-a chomaoin.

2 Áitheas nach adhbhar beadhgtha
créacht i gcomaoin fhóirdheargtha;
díogha gaisgidh goin ar ghoin,
oil i n-aisgidh ní fhaghthoir.

3 Nír dhearg gruaidh nar gríosadh féin;
ní thug aisg nach uair toibhéim,
mairg len hionmhain adhaint cháiugh
ar mhalairt n-ionnlaigh d'fhagháil.

4 Gá dtú acht ní thiobhra mise
cáineadh do chionn aithise;
mo chailg budh créacht gan chumhail
mairg dan héact ar n-ionnamhail.

5 Ní díol liom a los m'fola
inghreim fhir mo chognomha;
budh gríosadh gan fháth ar n-oil
ní ghríosabh cach 'n-a chionoidh.

6 Do ghéabhairinn dá ngabhdaois uaim
bheith gan bhuaidh bheith gan diombuaidh;
re a dteangthaibh a-tú meata;
gearrthair cú na coingleaca.

7 Ad-lochar don fhlaith rom chum
a ndearnadh d'éigceart orum;
fuaras guin nach gríosfa ar neimh,
ní íobhsa fhuil 'n-a aighidh.

8 Do fheador ní horm as sal
mo thubha le tár mbriathar;
is áilne iná adhnadh cáigh
náire gan adhbhar d'fhagháil.

9 Ní beag díogholtas Dé mhóir
i ndiaidh an ionnlaigh éagcóir;

misde an té le dtabhair guth
gan é 'n-a aghaidh d'ionnluch.

10 "Nír dhearg arm nach d'arm teasgar"
glór Íosa re a airdeasbal;
ní ar th'omhan, a fhir mo luit,
nach gonabh ibh 'n-a éaruic.

11 Do fhéachfuightheá ar th'ainimh féin
dá leanta lorg an tsoisgéil,
a chómharsa, ó do-chí sibh
a mbí oramsa d'ainimh.

12 Ní cosmhuiil go gcuala sibh
mar rug breith 'n-a bhreith shuaithnidh
an Rí ceart coimsidh nimhe
'san fhoirmsin eacht d'áiridhe.

13 Lá n-aon i n-larúsa-léim
teagar chuige - cúis shoiléir -
bainghiall ar ar baisdeadh cair
nar caisgeadh d'ainmhian éadraidh.

14 "An bhean ad-chí" ar cách uile
"a los a locht gcolnuidhe
a-dlé ó cheart a clochadh,
'san reacht ós é as ordochadh."

15 "Gidh bé," ar Dia, "nach dearna cair
buaileadh chloich ar an gcionntaigh;
i measg cháigh más amhghlan í
cair a damnadh mar deirthí."

16 Cuimhnighid coire gach fhir
a los fhuighill Dé dhúiligh;
nír léir dhóibh - dia do thugse -
cia dar chóir a clochaidhse.

17 Mar do shaor cuimhne a gcean féin
an mnaoi ndrúith ón druing aigmhéis,
air féin dá bhféaghadh gach fear
do-ghéanadh chéill rem cháineadh.

18 Maithim don mhéid dá ndlioghar
bheith choidhche dom choirioghadh;
mar tá mé ná léigeadh leinn
an té nach éidear d'inghreim.

19 Gach ciontach as cosmhail rinn

chaitheas a chloich fam thuairim
bíodh 'n-a leith ós é a n-obar
tar breith nDé mo dhiobhrogadh.

20 Aitchim a síodh, sléachtaim dháibh,
éirghidh díom, diultaim teagháil,
lucht chóigh i gcogar do chailg
ní náir obadh a n-iomairg. Mairg.